



## Terenga 4: Hōtaka 3 – He Tūāhua, He Tūāhua Oti

### He Mihi

Nau mai, e tai mā, e kō mā, ki te pātaka o Ako. Ko te whāinga, kia waia ō tātou waha ki te tāwara o te kai a te rangatira.

### Hei Mahi Whakarongo

Ehara te kaikōrero e whai ake nei i te pirihihana, engari he momo pū tāna hei patu i te hoariri. Ko tana pū ko te reo Māori o uki, ko tana hoariri ko te whakaaweawe a Te Reo Pākehā i ngā whakaaro Māori. Anei ngā pātai hei whakautu mā koutou:

1. He aha te tikanga o te kupu 'mōniana'?
2. Nō whea te pōtae o Hongi?
3. I hinga anō a Hongi?

Kia whakarongo tātou ki te uri o Whakaue, ki a Te Manahau Morrison me ana whakamārama mō te urunga mai o Hongi Hika ki roto o Te Arawa.

### He Whakamārama

I roto i te kōrero a Te Manahau, i rangona ētehi **tūāhua**, **tūāhua oti** rānei. Anei aua kupu:  
mate / taka / ngaro

Ko tā te **tūāhua**, he whakamārama i te āhua o tētehi mea. (whero, nui, kaikā, angiangi)

Hei taurira: He whero ō pāpāringa.

Ko tā te **tūāhua oti**, he whakamārama i te āhua kua puta i tētehi mahi. (pakaru, tutuki, ea, pau)

Hei taurira: Kua oti taku mahi kāinga.

Kia mataara: Me āta whakaaro ki te horopaki e mōhiotia ai ko tēhea te tūāhua e hāngai ana.

Kua pōuri te manawa.  
Kua pakaru te matapihi.  
Kua motu te taura.  
Kua whati te kōiwi o te waewae.  
Kua taka te pōro.  
Kua hinga te rākau.  
He uaua te mahi.  
He mārō tana upoko!

### Hei Mahi

**Whakaarohia te horopaki o te kōrero, kātahi ka whakamāorihia:**

1. He broke my heart.
2. They lost to the Giants.
3. I dropped my phone.
4. My friend fell over in town.
5. It's hard to see the field.

### Whakautu:

1. I mamae/pōuri taku ngākau i a ia. Nāna i mamae ai te ngākau.
2. I hinga rātou i te tīma Giants.
3. I taka i a au taku waea.
4. I hinga taku hoa i te taone.
5. He uaua te kite atu i te papa tākaro.